

Visoki predstavnik u Japanu: Poštivanje vladavine prava je od osnovnog značaja za napredak Bosne i Hercegovine



Visoki predstavnik Valentin Inzko je danas i sutra u posjeti Tokiju, gdje će se sastati s višim zvaničnicima Ministarstva vanjskih poslova Japana, uključujući i parlamentarnog zamjenika ministra za vanjske poslove Mikija Yamadu, a održat će i govor na Japanskom institutu za međunarodne odnose.

“Trebamo poduzeti sve što možemo kako bismo pomogli Bosni i Hercegovini da postigne odlučan napredak u dalnjem provođenju njenog reformskog programa, te pri tome osigurati i potpuno poštivanje Mirovnog sporazuma. U središtu ovih napora je poštivanje vladavine prava. To je od osnovnog značaja da bi se građanima BiH dala nada da je bolja budućnost absolutno moguća. Dosta smo napredovali tokom proteklih dvadeset godina, ali moramo ostati angažirani kako bi posao bio završen do kraja. Još uvijek nismo došli do te faze”, rekao je visoki predstavnik.

Visoki predstavnik Inzko je naglasio ulogu Japana kao jednog od najvećih bilateralnih donatora tokom poslijeratne obnove i oporavka Bosne i Hercegovine, kao i jednog od najvećih donatora OHR-a. Zahvalio je Vladi Japana na nesebičnoj podršci i njenom čvrstom opredjeljenju da pomogne Bosni i Hercegovini i podrži napore koje međunarodna zajednica poduzima kako bi

pomogla u očuvanju trajne stabilnosti i prosperiteta Bosne i Hercegovine i njenih građana.